

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 602 del 10/03/2026

Aproà da la Jonta provinzièla

Sorastant de la scola ladina: l é stat aproà l avis de concors

[Ladino] En vender ai 6 de mèrz, la Jonta provinzièla l'à aproà l avis de concors per titoi e ejam-rejonèda, per ge dèr sù na encèria a temp determinà de sorastant perveduda per l'Istituzion de la scola e formazion ladina (Sorastant de la scola ladina). La prozedura de concors la perveit la valutazion di titoi e doi proes a ousc. La domana de partezipazion al concors la cognarà vegnir scritta ite online, trèrs coleament col portal Vivoscola, sezion concorsc, dant che sie fora trenta dis dal dì dò de la publicazion del avis sul Boletin ofizial de la Region Trentin Südtirol. Sul medemo portal, 20 dis dant da l ejam, vegnarà scrit fora l dì e l lech olache vegnarà fat la proes

L contrat l arà na regnèda de cinch egn e do l termin l podarà vegnir renovà n'outa demò. L soget che venjarà l concors l cognarà fèr n trat de temp de proa. Endèna l temp de proa, l candidat che vegn tout l cognarà fèr n temp de formazion obligatoria de natura teorich – pratega, per n temp de 150 ores, de chestes 120 ores en prejenza con obligh de frequenza per n minimal de ores che corespon al setantacinch per cent de dut l temp entriech de la formazion en prejenza.

L percors formatif de obligh teorich-pratich l vegnarà fat da IPRASE. Endèna l trat de temp de proa, al venjidor ge vegnarà dat sù da l'Aministrazion n tutor che l cognarà ge stèr apede en prejenza, olache l è titolèr de sia scola o te la scola olache l è titolèr l tutor medemo. L tutoraje l podarà vegnir fat, en pèrt, ence a la maniera da dalonc, per na regnèda en dut de amancol 150 ores.

Anter la neves del avis edizion 2026, apede a la formazion de obligh tecnic-pratega de 150 ores e a la prejenza del tutor, l é pervedù che l vegnarà recognosciù 3 credic a chi che i arà fat, aló da l'Università de Busan, l Cors de auta formazion per l Lengaz e la Cultura ladina e Antropologia de la Èlpes ANTROPOLAD. N percors che l à desche obietif chel de smaorèr e jir ite a fon te la competenzes per i setores de la linguistica, de la letadura e cultura ladina e ence de l'antropologia de la Èlpes e de la didatica.

Traduzion di Servijes Linguistics e Culturèi del Comun general de Fascia

(cdt)